

Кривошапкина Таисия Васильевна, Верхоянский район, МБОУ «Дулгалахская
СОШ им.И.И.Котельникова»

4 кылааны бүтэрэр банкет сценарийа

Үрдүк үөрүү аргыстаах

Үтүө күн үүммүтүнэн,

Аламай манган күммүт

Алаарыйа сыдыаайбытынан,

Сыал-сорук туолбут

Саргылаах тугэнинэн

Эйээркэй эбэрдэ,

Дорѳоонноох дорообо буолуохтун!

Убаастабыллаах учууталлар,

Ытыктабыллаах ыалдьыттар,

Түбүгүрбүт төрөппүттэр,

Бырааттарбыт, балыстарбыт!

Бииргэ алтыһар доѳотторбут!

Бүгүнгү күнгэ

Буһан-хатан

Билии бэрдин ылынан

Ааѳар, суоттуур, сүруйар

Айар, ыллыыр, хоһуйар

Дулѳалаах орто оскуолатын

Алын сүьүөбун бүтэрэр

Араас сатабылламмыт

Арыый да улааппыт

Оџолорун көрсүџун!

(Оџолор киирэллэр).

Түөрт сыл туруулаһан

2904 уруокка,

Или-эйэни ииттинэ

Ирэ-хоро үөрэннибит.

2433 сүүрэр-көтөр,

Тургутуһар тохтобулланан

Аата-ахсаана биллибэт

Аабыллыбыт кинигэлэнэн,

Араас буочарынан суруллубут

Баһаам элбэх тэтэрээттэнэн

Ытаан, ыллаан, бурайсан,

Иллэһэн да, аһынсан

Оскуолабытыгар, учууталбытыгар

Иккис дьиэбит кэриэтэ

Сүрэхпитин сүүйтэрдибит,

Санаабытын таптардыбыт,

Куппутун туттардыбыт,

Тапталынан куустардыбыт.

Оскуолабыт үбүлүөйүгэр анаммыт өрөгөй ырыатын

Махталынан туолбут дууһабытыттан

Миннийэн туран,

Сүһүөхпүт урдугэр дугунан

Суру кууһурдэн ыллыабын!

(Оскуола гимнэ тыабыр, Александр Васильев тыл. уонна мел., бары ыллыыллар).

Учуутал, учуутал эн урдук ааккар сугуруйэбит! Учуутал барахсан, кэнчээри ыччаты ийтиигэ олобун анаабыт, ыраабы өтө көрөр, кэрэ дууһалаах, аһыныгас санаалаах, үөрэтэр оҕолоругар чин билиини инэрэр, дьин-чахчы утүө киһи.

Омук дьикти тылыгар

Умсугуйан үөрэтэбин,

Истинник мичээрдээн

Кылааска эн киирэбин.

Мария Афанасьевна, махтанабыт эйиэхэ!

Ырыа- сурэх төлөнө,

Ырыа- санаа көңүлэ,

Ырыа- үөрүү кыыма,

Ырыа- нарын иэйии.

Саргылана Гаврильевна, махтанабыт эйиэхэ!

Суурэр-көтөр, эрчиллэр,

Уруокпутун кэтэьэбит.

Пионербол, перестрелка

Оонньуурбутун ордорбут!

Артем Николаевич, махтанабыт эйиэхэ!

Дуобат, саахымат алыптаах хонуутун

Устатын-туоратын сыыйдыбыт.

Тыксаан, уксаан диэн баарын

Эбии үөрэтэн биллибит.

Владимир Николаевич, махтанабыт эйиэхэ!

Имигэс хамсаныы кэрэтэ,

Иитиллэр кистэлэн күүстэрэ

Үнкүүгэ, үнкүүгэ арыллар

Үөрүүттэн дьон-сэргэ манньыйар.

Тамара Ивановна, махтанабыт эйиэхэ!

Кунду учууталларбыт, уһуйааччыларбыт! Айыһыккыт арчытынан,
Иэйэхсиккит иэйиитинэн өссө да оҕолору сырдыкка уһуйун, айа-тута,
үөрэтэ-дьарыктыы сылдыын. Баҕарабыт элбэх махталлаах үөрэнээччилэри.

Эһиги иннигитигэр алын сүһүөх выпускниктара!

Мэниктэр-тэниктэр, сүрдээх спортивнайдар,

Хорсуннар-хоодуоттар, барыга-бары көхтөөхтөр,

Толкуйдаахтар, билэргэ-көрөргө баҕалаахтар,

Уопсайынан ыллахха

Олус эйэлээхтэр!

А) Ханан да хойутаабат

Уруогу мээңэ көтүппэт

Роботехниканы сөбүлүүр

Эрэллээх эркин табаарыс

Дьин чахчы саха уола Айсеммыт.

Б) Элбэхтэ ааҕар, тус бэйэтин сайыннарар,

Лена билбэтэҕэ суох,

Лена көрбөтө5ө суох,

Учуутал киэн туттуута, көмөлөбөөччүтэ

Уна-ханас илиитэ Лена Горохова.

В) Билиэн-көрүөн олус баҕалаах,

Киэн кругозордаах,

Бэһиэлэй кэпсээннээх,

Аһыныык, үтүө санаалаах Валера уолбут биһиэнэ.

Г) Туохха барытыгар

Эргиччи талааннаах.

Ыллаан да эйээриэ,

Үнкүүлээн да тэлээриэ.

Остуоруйа да айыа

Олус истин сыыаннаах,

Кимиэхэ барытыгар куруутун көмөлөбөр Үрун Уоламмыт Руслан Потапов.

Д) Спорт диэн баран

Муннукка ытаабыт

Бэйэтин тэнгнээхтэригэр

Утарсааччыны көрбөтөх

Күүстээх-уохтаах, быһый-сымса

Боотурбут Демид Сыромятников.

Е) Игнат ийэтинээн

Олуһун кыһаллан

Араас тэрээһиннэргэ

Куруутун кытталлар

Бииртэн биир урдук ситиниилээх буолаллар.

Үтүөбэ-кэрэбэ уһуйан

Үөрэтэр мин ийэм барахсан,

Кун сириҥ көрдөрбүт үтүөбүн

Күндүтүк, истинник саныабым.

Ийэлэргэ барба махталларын истин, иһирэх ырыанан тиэрдиэхтэрэ 4 кылаас выпускниктара.

(Ырыа «Ийэбэ махтал»).

Күндү ийэлэр, аҕалар, эбээлэр, эьээлэр! Саамай чугас дьоннорбут! Маннайгы үктэллэрбитигэр күүс-көмө буолбуккутугар барыгытыгар барба махтал!

Күндү оҕолорум! Соторутаабыта эрэ сэрбэллэн, улахан суумкалаах, сибэкки дьөрбөлөөх оскуола боруогун атыллаабыккыт. Эһиги бастакы кылааска киирэн А-тан, Б-тан саҕалаан ааҕар, суруйар буолбуккут. Ол кэмнэртэн номнуо 4 сыл ааһа охсубут. Бааллар этэ биһиэхэ күүстээх үөрэх күннэрэ, ойон-тэбэн мэниктээбит да кэмнэргит, үөрүүнү да, хомойууну да билбит араас түгэннэрбит. Кыайтарыы хомолтото да, кыайыы көтөлө даҕаны биһигини кытары аргыстаспыттара. Билигин эһиги Билии киэн аартыгын арыянныт, өйгүтүн үксэттигит, билиигитин ханаттыгыт! Аны орто сүһүөххэ тахсыаххыт. Үөрэххитигэр кыһанан учугэйдик үөрэнээрин, учууталларгыт тылын истэн кыһамныылаахтык урокутун ааҕаарыҥ! Мэниктээбэккэ оскуолабытын харыстаан! Билиигэ-көрүүгэ тардыһыгыт үксэтин! Аартыккыт арыллан истин, үөрүүгүт үксүү түрдүн диэн алгыс тылбын тиэрдэбин.

Түмүккэ- 4 кылаас выпускниктара хоһоон ааҕаллар уонна «Листвой шелестит сентябрь» диэн ырыаларын ыллыылар.